

Ein park for alle!

I FYRESDAL

SENTRUM, omkransa av vatn, finn du Hamaren Aktivitetspark. Og aktivitet er stikkordet! Denne parken gjer friluftsliv og sosiale møtestadar tilgjengeleg for alle. Turvegen er universelt utforma og passar for gåande, syklende, barnevogner og rullestol. Undervegs finn du insekthotell, utekjøkken, grillhytte, gapahuk og kvilebenkar – for å nemne noko.

Midt i hjartet av Hamaren ligg ei flott sykkeløype med 11 hinder i tre. Løypa er retningsstyrt, du sykklar opp ein veg og ned ein annan. Høgdepunktet i aktivitetsparken er den spektakulære gangbanen utanpå det bratte fjellet!

Her kan du gå medan du svevar over Fyresvatn: det er ei oppleving i særklasse!



Foto: Lillian Borgen

Klokkarhamaren, utsiktspunkt



Foto: Monica Sølyst

TURVEGEN OMKRANSAR ein flott furuskog og ein spanande berghammar som kallast Klokkarhamaren. Namnet skriv seg frå at fjellet ligg attmed Klokkargarden som du og passerar undervegs på turen. Frå toppen har du fantastisk utsyn over Fyresvatn. Bak skogkledde åsar og spreidde gårdsbruk ser du fjell og hei i horisonten. Her kan du slappe av ved bålplassen eller i gapahuken og berre nyte panoramaet! I parken kan du og lære om lokalt dyre- og planteliv, treslag, historie og eventyr. Dette vert formidla gjennom flotte naturstiskilt laga av lokale skuleborn. Du finn skilta på stader som passer til tema. Tek du ein kikk på kartet, kan du sjå kor dei ulike skilta er plassert.

www.vandretelemark.no



www.fyresdal.no



Layout: Nina Akerstuen / Trykk: Erik Tanché Nilssen as

Ansvarleg utgjevar er VTNU AS og Fyresdal kommune med støtte frå



UNIVERSELT TILRETTELagt FAMILIETUR
RUNDLØYPE 2,4 KM – 1 TIME
55 METER STIGNING →



Fyresdal – Telemark

TURMÅL **Hamaren**

TEMA **Aktivitetspark**



Foto: Monica Sølyst

KVA KAN DU SJÅ PÅ TUREN?

UNDERVEGS kan du nyte nista eller lage din eigen mat i grillhytta eller i utekjøkkenet.

Foto: Lillian Borgen

TREBRU konstruert som tømmerrenne til minne om fløytningstida i Fyresdal.

Foto: Tone Susanne Kvasjord

I PARKEN kan du lære meir om lokalt dyre- og planteliv, treslag, historie og eventyr gjennom flotte naturstiskilt.

Foto: Monica Sølyst

AKTIVITETSPARK for alle, fart og moro for både unge og eldre.

Foto t.v.: Almantas Girdauskas/ Foto t.h. Monica Sølyst



Om turen

DETTE ER EIN UNIVERSELT UTFORMA TURSTI

som passar for alle brukargrupper. Turvegen startar ved Kafé Teisner og Fyresdal Næringshage, nedom kyrkja i Fyresdal sentrum. Vegen gjeng langs vatnet, forbi Munkhola, før ein kjem inn på ei trebru konstruert som ei tømmerrenne til minne om fløytingstida i Fyresdal. Vegen går vidare på ei spektakulær gangbru, før den igjen går over i ei tømmerrenne i retning utekjøkkenet og grillhytta.

Når du kjem til utekjøkkenet kan du velje om du vil ta ein tur til toppen av Hamaren. Om du fortsett rett fram kjem du til ein flott plating i vasskanten og til grillhytta lengst nord i Hamaren. Tilbake følgjer du ein asfaltert veg forbi Gimle skule og barnehagen. Fortsett inn på grusvegen forbi Klockargarden og tilbake til Kafé Teisner.

Langs vegen finn du bord og benkar tilrettelagt for ein hyggeleg rast. Bålplassen på toppen av Klockarhamaren, utekjøkkenet og grillhytta kan nyttast av alle. Du kan låne nykel på kommunehuset i Fyresdal, ved startpunktet på turvegen.

Køreforklaring

Følg Fv 355 til Fyresdal. Ta av til Fyresdal kyrkje/ Fyresdal Næringshage/kommunehuset.

P Parkering og start ved Kafé Teisner/ Fyresdal næringshage, nedom kyrkja i Fyresdal.



For oversikt over vandrarvennleg overnatting, sjå www.vandretelemark.no



Du har sjølv ansvar for tryggleiken undervegs. Ta omsyn til naturen og beitande dyr. Gjer vel å ta med søppel heim. God tur!

Høgaste punkt:
Klockarhamaren
343 m.o.h.



Kart:
Turkart for
Fyresdal Aust 1 : 50 000.



Tilgang:
mai-oktober

